

43
S E R M O
P E D E S T R I S.

“Αγ’ ἦν σ’ ἔρωμαι δύο λόγους προθεῖς ἄμα,
Πότερ’ αὖ τερῶναι, ἢ πόλιν σῶσαι θύλεις;
Ἐρεῖς τερῶναι;

EURIPID.

“ὦ πατέρες, εἴθε πάντες, οἱ ναῖνός τε,
Οὕτω φιλοῖεν ὡς ἐγώ. καὶ ῥαδίως
Οἰκοῖσθ’ ἂν σε, κ’ ἔδην ἂν πάσχοις κακόν.

Id.



LONDINI,
Apud T. COOPER, in *Pater-noster-row*. MDCXXXIX.
(*Præfatus* 11.)

S E R M O

P R E D E S T I N

For the

11.



LOANED TO THE UNIVERSITY OF CAMBRIDGE, IN 1870. - M DEC XXXIX.

(Trinity 11)

A. H. C.

ET te secessisse gaudeo, & gratulor tibi tot clarorum viro-
rum societatem, qui iusta ab iniquis secernere nōrunt,
& dignitati Reipublicæ consulere, & suæ. Amor pa-
triæ, & libertatis tuendæ commune studium, quæ senibus vires,
arma & animos fœminis ministrant, te fecerunt oratorem, &
me poetam. Ac siquid in nobis est ingenii, hoc totum arbitror,
irâ & metu omni deposito, donandum esse Reipublicæ. Diis
enim, quibus & spiritus nostros, & divina & humana bona
omnia, studia, otia, negotia debemus, tūm nos summas grates
persolvere confido, tūm nos hæc nostra omnia auctoribus conse-
crare, cū patriæ consecremus. Proh dolor! Etsi vera hæc
sunt & pulcherrima, nihil tamen valent apud APPII forum;
ubi omnes ad prædam strepitumque auri oculos & aures con-
vertunt, & naturæ dotes, si quas habent, ad civium perni-
ciem & infamiam suam: Ubi neque ipsa Pallas, neque Mu-
sarum cohors sceleratorum impetus sustinere queat, nedum repri-
mere; ni altera Medusæum caput extulerit, altera Pharma-
centriam, quæ Ulyssis olim mutavit socios, auxiliarem adduxe-
rit. At, aliâ si non ratione, si non mortalibus ausis, namine
saltem rebus nostris quodam opitulante, nefariorum istorum au-
dacia viresque frangantur. Saxula nempè fiant, aut porci,
aut quodcunque Dii velint, dummodò homines esse desierint,
qui civibus suis imperare meditantur, cū dedecori, cū cupi-
ditatibus, cū turpissimis vitiis ipsi parere non erubescant.
De hisce rebus, & dignæ sunt, sæpè tecum differui; sæpè in-
ter nos differi cupio. Quippe ita est mihi insitus libertatis amor,
sapientū omnium præceptis firmatus, & bonorum omnium ex-
emplis,

emplis, ut si quis Mercurius cœlo delapsus me in servitutem addicere vellet, neque mihi ille esset Deus, neque fidem ejus diis (sit meis venia!) facile adhiberem. Hæc est illa vis animi, quæ utinam per omnia mea opera præcipitanda foret, pedestribus etiam sermonibus & jocosis immiscenda. Neque ego, ut scis, lucri aliquid peto, cujus non indiget temperantia mea, neque gloriam ex libellis meis me capturum spero; nisi quæ, præmium virtutis, bonis omnibus absque invidiâ deferatur: Qualem & pietas tua, & sociorum tuorum consilia vobis detulerunt. Jam diu est; quod te diligere cœpi, quia probus es, & doctus, & comis, & liberalis; jam nunc, quia optimè de Republicâ meritus es, teque colere & venerari. Bonos enim cives propemodum ut Deos veneror; quorum arbitriis me totum trado, quorum judiciis permitto & scripta & studia mea omnia, quorum denique reprehensiones vel asperiores censuras libentissimè patior. Fœdarum autem Harpyiarum voces & omina, quamvis sint Jovis famule, contemnere ausim; quæ, simplicitati carminum meorum maledicendo, sibi met ipsis maledicunt, & infandis contumeliis & criminationibus ineptias & scelera sua invite fatentur. — Atat nè tu me putes minimis aptè proœmiari, nunc herclè rogo, ut vaces sermoni, quem nuper habui cum aulico quadam, viro sanè callido & nasuto, versatoque aliquando in honestis cogitationibus, cùm nondum animum posuisset in loculis. Nostrum hoc colloquium versibus exprimere conatus sum, haud quidem satis poeticè, verùm ad historię fidem. Nihil igitur hic reperies splendidum aut excelsum, sed tenuiora omnia & leviora. Nam mihi quanquam est difficile, quippe seni & curis exercitato, aliquid ex rugis meis remittere, remissum tamen; nè grave & operosum carmen materiam superaret. Hoc unum verò diligenter curavi, ut Musa mea & pudica & sani coloris, ut est, esse videatur, nullo delationi loco relicto, sed neque dubitationi.

S E R M O

P E D E S T R I S.

*F. S.**A. A.*

F. S. **S**UNT queis displicuit *MILTONIS EPISTOLA; quippe
Qui agnovere suos antiquo in carmine vultus.

Hic, Ego sum PALLAS, inquit: Vos, nobile vulgus,

O socii, O procures: Tu, blandi PUPPIUS oris,

5 Mi FANNI: Tuque (O indignum!) venerande sacerdos,

Comoedus certè. Tum FUSCUM, FUFIDIUMQUE,

Et CAPRIUM digito monstrat, damnatque poetam.

GRÆCULUS hic alter, casulam qui vertit in ædes

Marmoreas, hic qui modò crevit ab asse, superbus

10 Consultor, mihi jus minitatur, iudiciumque,

Ignemque; & Musas quærit violare Latinas.

Quid faciam, si nec recitare poemata, doctus

Quæ cecinit vates Carolo regnante, nec ausim

Diis patriis, laticesque meis, sua dona, Camœnis

15 Castalios libare, novumque intendere carmen?

A. A. At tibi Pindaricos numeros tentare licebit.

Tale tuum fiat carmen, nec gratius ullum est,

Quale suo mulcet modulamine Cæsaris aures,

Annua vota canit cùm lauriger † histrio, Musis

20 Invitis licet, & Phœbo renuente: Sed illi

* Vide MILTONIS EPISTOLAM nuper editam.

† Hic est ille histrio seu pantomimus, qui nostris ab optimatibus, suo seculo faventibus,

donatus est laureâ, si non Apollinari, at regali tamen; quotannis donandus firmissimi vini do-lio, ut nunquam nisi potus profiliat ad Cæsaris laudes dicendas.

- Adspirant proceres; auditque vocatus Iacchus.
 Te quoque jam audierit, properes modò dicere reges
 Magnificè, argutâ citharâ fidibusque canendos.
 Cernis, fit quantus CÆSAR GERMANICUS, armis
 25 Et præstans animo, pietate insignis & ore;
 Rex regum, certus Romani nominis hæres;
 Induperatoris titulus cui ceditur uni.
 Hunc tu cantato; seu reddat jura Polonis,
 Seu jubeat pacem fusos exposcere Turcas.
 30 Deinde novas vires, nova blandis laudibus effer
 Fœdera que, & socios. Manibus da lilia plenis
 Gallica, & intexens gemmis auroque, superbis
 Necte coronam aquilis. Sed non & vincula necte:
 Sed non & belli causas, artesque animamque
 35 Ultricem, * BONEVALLE, tuam memorare necesse est.
 Dic quoque res gestas, & fortia corda PHILIPPI;
 Cui montes auri Dii dant, & utroque sub axe
 Regna quidem meritis permittunt debita tantis.
 Ille etenim, quas nec ferrum, maris ira, nec ignis,
 40 Nec conjurati poterant terrere Gigantes,
 Inviçtas sistit classes, populique ferocis
 Ductores jam nunc nutu tremefecit inermis.
 Tum plectro majore canas Juvenemque, Senemque
 Qui bello & verbis contendere doctus, alumno
 45 Quique suo advigilans aliena negotia curat,
 Quique, suis monitis, effecit, ut omnia cedant.
 Nimirum emendat, regit, auget, donat & aufert
 Res, urbes, gentes, commercia, fœdera mundi,
 Magnanimumque heroum fata, impunè licere
 50 Et sibi quæ voluit conjux violenta PHILIPPI,

* BONEVAL, dux Germanorum, natione Gallus, qui gravem sibi immerenti a Germanorum Imperatore oblatam fuisse injuriam attrahens, ad hostes transfugit.

- Lancibus & quicquid suspendit * HORATIUS æquis.
 Si vetulo ridet terræ angulus unus & alter,
 Protinùs imperio accedit. Fundum, ecce, laremque;
 Et proavos, † LOTHARINGE, tuos ille impiger hausit.
 55 Te quoque, post nullos reges memorande, (palatum
 Forsitan exacuunt annosum ‡ Corfica mella)
 || O THEODORE, parat spoliare, & pellerè regno.
 Cætera de genere hoc, nè te morer ordine longo
 Regum, prætereo. Ipse tamen celebrare memento
 60 Sceptrigeros omnes. At non sine numine nomen
 Herois recites plumati auroque nitentis,
 Terrificasque viri cristas; quem respicit Arctos,
 Æquora cui parent, cui militat ultima Thule.
 Quàm benè rem facies, si palpes undique, gnarus
 65 Quæ teneat magnos blandissima formula reges?
 Si titulis, si quod desit virtutibus, addas
 Fingendo bellè? Verùm nè quære molestus,
 Albus, nécne fuit, cui rerum summa potestas
 Ab Jove concessa est. Sis corvum nactus, adorna
 70 Auratis plumis, animosque infunde viriles.
 P. S. EHEU, non nostrum est festum componere carmen;
 Nec fas Heroas cuivis celebrare poetæ,
 Quales nunc æquus præfecit Jupiter orbi!
 Nam si quis pretium misero pro carmine poscit,
 75 Turpis adulator si idem foret, oderis ultrò.
 At sæpè Aonii vatis latet anguis in ore:

* Nè in hoc nomine, mi lector, erres, te monitum volo, HORATIUM hunc neque Romanum esse, neque poetam, neque Musis amicum, neque philosophum, neque divitiarum contemptorem, neque tumultibus urbanis alienum; sed fœderum, induciarum, pacis & belli oratorem nervosum, volubilem, canorum, consummatum; æqualitatis, æquabilitatis, æquanimittatis, æquilibritatis iudicem unicum.

† Magnus Etruriæ Dux, Dux olim Lotharingiæ, Lotharingiam suam potentissimo Gal-

lorum regi cedere coactus est.

‡ Qui Lotharingiam ad imperium suum jampridem adjunxit, jam inde Corsicam in provinciam redigere meditatus, miserabile istius loci incolis infert bellum. Corsis autem, pro patriâ & libertate dimicantibus, ut omnia prosperè feliciterque eveniant, etsi precamur omnes; nemo tamen ex iis, quorum plurimum interest, auxilium miseris ausus est mittere.

|| Quidam THEODORUS, Rex Corsorum electus.

- Ut, cùm * CADENI fidâ gravitate Camœna
 Pelidæ stomachum, mentem sapientis Ulyssæi
 80 Augusto dederit, dederit ditione tenere
 Sauromatasque Getasque, Indos & Sinica regna,
 † Lusit magna sonans. Ridemus, ridet & ipse,
 Quas jacit, ampullas, & falsa simillima veris.
 Crede mihi, quisquis fuerit, tu semper habeto
 85 Suspectum, magnas qui pergit dicere laudes:
 Exceptis, aut quas charis debemus amicis,
 Quasve Minervæ artes, aut quas pia Musa meretur,
 Aut patriæ, aut sibi quas Libertas asserit æquè.
 Ipse (fatebor enim) si quando tollor in altum,
 90 Si meditor reges & prælia, clarius & quò
 Extet opus, Divos, quot nunc sunt, quotque fuere,
 Clamo ritè omnes; en, culta & blanda supernè
 Desinit in satiram mea pagina, vel malè ridens
 Fabula magniloquum deformat carmen anilis.
 95 A. A. QUIN sylvas, montesque petas, tenuique Maronis
 (Non tenuis laus est) imiteris arundine Musam?
 Tytirus, & fegetes, atque ipsa arbuſta placebunt.
 Nam modò Silenum vidi, modò Pana canentem,
 Et tùm Sicelidas Musas, quâ Cæsaris hortos
 100 Obliquis spectant oculis, sed numine amico

* Anne hic de profapia CADENI MILTONIANI? Aliusque & idem. Extrat F. SCHEFFERI Epistola ad CADENUM nostrum, cujus hoc est principium.

*Semper culte mihi, semper, CADENE, colende,
 O decus & patria tutamen! Crimina, curas,
 Atque hominum mores, & quicquid pulpita
 damnant,*

*Seu nunc tu melius tractas irrisor acerbus;
 Seu Phœbi stimulis ignescens fundis Iambos,
 Aut STELLÆ laudes recitas, & amabile carmen:*

*Si locus est interpellandi, en barbarus audeſ,
 Ire salutatum, veniamque exposcere nugis.*

Hanc Epistolam notis illustravit P. O. D. Quæ verò ad CADENI nomen adjecit, hæc sunt: CADENUS. J. SWIFT, S. T. P. S. P. D. sui seculi delicia, nec tam patria, quàm humani generis decus. Si virtutes illius contempleremur, nemi-

ni secundus; si divinum mentis ingenium, omnibus major. Qui summam propter humanitatem, pietatem, eruditionem, studiumque, quæ semper coluit, & ipse literatis omnibus, quotquot nunc sunt, & posteris semper colendus. Linguam Anglicanam usque ad fastidium venustatis pro-
 vexit, & felicissimis numeris lusit poeta. Quippe CADENI spiritum, vim, & carminum suavitatem vel Flacci curiosa ambitio sibi adoptaret. Sale facetiisque Attico lepore tinctis facile superavit omnes. Sed & in scriptis suis utile dulci semper permiscuit: nec placere magis instituit, quam patriam prodesse. Coloniam suam semel iterumque in libertatem vindicavit: in æternum vindicasset, bona si sua missent coloni.

† Scripsit CADENUS Poema, quod inscribitur *Rhapsodia*. Et hic & alibi ostendit Ironiam esse totam suam. Certè hercle in Ironiâ longè lepore elegantique omnibus præstitit.

‡ Vatis Apollinei Tamefinæ Naiades ædem.
Hic iterum dulces gauderent rure Camænæ,
Formosi caneres si quos pastoris amores.

F. S. HEU, quid formosi canerem pastoris amores?

105 Quidve iterum dulces gauderent rure Camænæ?

Latè agros cum vastat aper; securus ubique
Cum lupus insidias stabulis meditatur; & urfi,
Et rabidi prædam, cæsis custodibus ipsis,
Ah, pecus infelix rapiunt impunè leones!

110 *A. A.* Sic te difficilis fecit natura pusilli

Ingenii? Hic tibi quod fingis, genus omne ferarum
Somnia sunt ægri. Posthac vel carmina nulla
Dicere erit, vel saltem quæ sint propiora pedestri
Sermoni. *F. S.* NULLUM liceat si condere carmen;

115 O longas noctes quæ possim fallere, vel, quæ

Jam properata malis venit, oblectare senectam!
Nempè mihi, caream Musis, solatia nulla,
Commoda nulla manent vitæ; primoribus ex quo
Despectus sum potor aquæ, Veneresque, hilaresque

120 Convivæ, & veteres fugiunt mea tecta sodales.

At quid si, quoniam suades, ut carmina pangam
Sermoni propiora, leves aptentur Iambi,
Urbanique sales (lucris est spes magna) theatro?

A. A. Si modò non defit vis comica. *F. S.* Si mihi defit;

125 Conabor tragicus decora alta inducere scenæ,

Et lachrymas populo, † Paridique † Agamemnona vendam.

A. A. HEU, vetitum aggredieris! nec fas intrare thea-
trum.

Scilicet id curat ****us. Ille cothurnos

Induit innocuos || Dolicho; prohibetque renasci, *

130 Si qua in honore fuit popularis fabula, si qua

Ambiguas jactat voces, artesque virumque

* A. POPE; qui olim scripsit Bucolica.

† PARIS, præfectus theatri.

‡ AGAMEMNON, tragedia celebris.

|| DOLICHOS, vel DOCLIS, nomen histrio-
nis apud Horatium, Ep. 18. L. 1.

- Laudat, Io, quisquis titulum mutaverit anni.
 Sin autem incomptis peccat comœdia verbis,
 Seu reticenda jocis prodat, seu misceat acri
 135 Ridiculum, celsæ seu mores improbet aulæ;
 Defendit portas censoria virga theatri,
 Et notat impuros, arcetque a limine casto.
 At sibi si esuriens veniam impetrat ipsa Thalia,
 Candidus aut siquid Censor concedit amicis ;
 140 Quàm benè, quàm cautè pensat, castigat Iambos,
 Explicat, emendat rigidos ! Quàm multa litura
 Perversos cohibet procerum, plebisque cachinnos !
 Solus enim, fuerit cùm risus idoneus, aut non,
 Democrito novit meliùs ; meliùsque Catone,
 145 Cùm jocus, insanum quærens captare popellum,
 Cœperit in vitium verti. *F.S. REM* noscere tantam
 Quî potuit ? Num illi limo meliore Prometheus
 Cor, pectus finxit, cerebrumque, ut qui omnia rectè,
 Et per se sapiat ? *A.A. MINIME*. Tellure creatus,
 150 Seminioque pari est, ac nos. Sed lex dedit ipsa
 Judicis officium, Musis & Apolline dignum.
 Nè tamen hæc leges inter numeretur iniquas,
 Nobilis haud adimit Censor jura omnia scenæ.
 Fabellæ sunt, quas populum spectare jubebit ;
 155 Et quibus interfit, cùm Roscius egerit, ipse.
 Quin nova permittet vati argumenta pudenti ;
 Extra aulam modò nata forent, tractataque rectè.
 * *Pasiphae tauri, Pygmaei Penthesilea*
Concubitu indulget, nec vult servire marito.
 160 *Non habet uxorem, at jactat sponsalia bina*
Eumolpus ; nec turpe putat donare Corinnæ
Magnificas ædes. En, leno Semivir extat

* Tempus erit, cum apertissimè planissimè-
 que hæc omnia explicare liceat in usum exter-

narum gentium & populorum. Civibus nostris
 jam satis aperta & perspicua sunt.

*Conjugis ipse suæ: Dum mœchæ nomine gaudet
Fulvia, dum Lais fieri de pellice conjux!*

165 *Quis silet insidias, & fœdæ furta Metellæ?*

Canidiæ calices, & cœnas Nasidieni?

Cyclopem Galatea tenet; sed doctior illo

Nunc vendit fratrem, nunc vendit ephippia fratri;

Atque Jovem sperat mœchum, Corydona maritum

170 *Dum stultum fugit. Ah, Corydon ardebat Alexin!*

Primores populi Sextus capit; ac sibi plaudens

Fœnore crescentes nummorum spectat acervos.

At quocunque modo auget rem, insidiisque dolisque:

Depositumque negans, temnit veterator avarus

175 *Et samam, & satiram, & Divos, quos pejerat, omnes.*

Talia cantanti facilis censura Camœnæ

Dat veniam, dat opes. Verùm carbone notandus,

Comicus an tragicus fuerit, qui audentiùs æquo

Aut sordes procerum, aut regum vulgaverit æstus,

180 *Molitus carmen, nunc mecum quale voluto.*

**Trojanis signare vias, disponere castra*

Quem penes, & toti legem præscribere Marti,

Garrulus irati Jovis intrat Cotilus ædem;

Jurgia nec vitat, nec verbera nota Tonantis,

185 *Et pugni & calcis patiens. Rex omnibus idem*

Jupiter; illustresque duces, miserosque ministros,

En, æquo pulsat pede. An istum ferre poetam

Fas est? Non; si captârit plebisque patrumque

Plausus, si Phœbi lauros: †Sit Gaius ipse,

190 *Exeat, ah! toties quam lætam fecerit, aulâ.*

Nec, si Censorem Venus obsecret ipsa, moretur;

* Nimirum hæc Olympi (nostri) cives curant, & intelligunt lepidè. Nunc autem mihi non est tempus fusiùs explicandi vel dilatandi calcem Jovis. Fulmen gerit: ferit. Et tu, lector, caveto, siquando propiùs subsequeris Tonantem.

† Joannes Gaius, Anglus, poeta cultus &

elegans, vir lenissimi animi, ingenui vultus, & vitæ integerrimæ, scripsit Attellanam fabulam, [*The Beggar's Opera*] quæ centies spectata placuit, centies placebit. Scripsit & Attellanam alteram, quam histrionibus & theatro interdixerunt domini potestateque haud ipsi Veneri exorabiles.

- Nec vatem si Diva suum comitetur euntem.
 Quinetiam veterum mores, & scripta cavenda;
 Et curâ Censoris eget comœdia, seu quam
 195 Graia tibi obtulerit, seu quam Romana vetustas.
 Eloquium, numeros, veneres, venamque jocosam
 Ingenî Aristophanis quis non miratur? At ille
 * Parcere præfectis nescit, vel regibus uti.
 † Indutos socco reges committere scenæ,
 200 Personasque novas cœlo deducere Plautus,
 Et Divos audet diſteria dicere in omnes;
 Quæ tollenda forent. Obscœnum de Jove mimum
 Fecit inurbanus. Rex ipse hominumque Deûmque
 Officium, & cives, & deserit atria cœli;
 205 Fulminaque exutus gaudet levioribus armis,
 Ore virum referens, & † rapti prodigus auri,
 Virtutisque suæ. Jussi vigilare Triones,
 Sol dormire domi; || si non tamen ebrius esset.
 Regi sese addit comitem furtique viæque,
 210 Et portam explorat ridens lenonius Hermes.
 Quorsûm hæc? Ut Divûm rex sit nocturnus adulter,
 Ludibriumque suis, perque orbem fabula fiat.
 F. S. ANNE hæc, quæ pueri ediscunt, quæ publicus
 usus,
 Et quæ mille anni, quin addas mille, sacrârunt,
 215 Jam limam meruisse putes? Pol nullum ego carmen,
 Aut quod Cecropiæ, aut Latiae lusere Camœnæ,
 Delendum esse reor; quicquid modò dixerit ipso

* Vide Aristophanis Comœdiam, quæ inscribitur *THIELE*, in quâ insectatur Cleonem Atheniensium ducem, & reprehendit ejus furta & peculatus, etiam tunc cûm Cleon pro suo arbitrio administraret rempublicam.

† Perlege Amphitruonem Plautinum.

*Ipse hanc acturus est Jupiter Comœdiam?
 Quid admirati estis? quasi vero novum
 Nunc proferatur Jovem facere bistrioniam.*

MERCURIUS in Prologo.

† Pateram auream uxori usurariæ condonavit rex Jupiter, sive Pseudo-Amphitruo; quam clanculum & per præstigias de cistulâ veri Amphitruonis exemerat. Vid. Amphitruon. *AB. II. Sc. I.*

|| Credo edepol equidem dormire Solem, atque appetum probè. Amphitruo, *AB. I. Scen. I.*

De Jove liberius, quicquid modò fecerit audax.

Antiquos mores si quis præsentibus aptat,

220 Ex fictis vera exquirens, faciensque malignus

Interpres tecum, ut narret comœdia prisca

Res hodiè gestas, Divûmque in nomen euntes

Heroas nostros; quid posthâc scribere tutò

Fas doctis? Quæcunque feros monuere Britannos

225 Socraticæ chartæ, quæcunque volumine sacro

Præcepit Moses, jam fiant scommata. *A. A. FIANT.*

Hic mos, hoc vitium est magnis. Dormitat Homerus,

Miles ait similis Therisitæ, qui mihi nomen

Indidit impurum. Cessât laudare Maronem

230 Rufillus, vultus ex quo mentemque Sinonis,

Et Bavii ingenium sibi vindicat. Est etiam qui,

Si canis, ut regno detrusus venerit olim

Rex Nebuchadonosor pastum huc per prata juvenus,

Se credat, moresque suos, sensusque notari;

235 Multùm indignatus se insueta ad pabula cogi,

Armentisque boum immiscerier. Ocyûs at tu

Iratum fugito: Cornu petit ille canentem.

Quæ legit indoctus, raptim legit omnia, falsa

Veris, prisca novis confundens, sacra profanis.

240 Si mollis Quæstor sit, cirratusve Tribunus,

Aut propior regi, & paulò iracundior, idem

Hæc ad se trahit; & scripti genus odit iniquus.

F. S. Sic quisquam legit, atque intelligit omnia? Et
aula

Turbam indoctorum capit? *A. A.* Et capit, & fovet.

Ergo

245 Haud equidem invideo nostro sua carmina Flacco,

Scribere si fatiras insanus pergit. Et ipse

Jam caveas, nè cui sis vero nomine notus;

Præcipuè quibus est vestros permissa potestas

Vendendi libros: Nusquam benè creditur illis.

250 *F. S.* AH, nòrunt, qui sim! Et frustra latuisse volebam
 Nomine sub magno, solitus mea dicere in aurem
 Seria perpaucis, & nocti fidere. Verùm
 Quis commissa tegit? Vel si tegit; undique notus,
 Quod fieri vix posse putes, cantabitur auctor.

255 Quæ proferre nefas, nos omnia dicimus omnes.
 Imperii, Augustæque domûs arcana profanum
 Scrutatur vulgus. Si pellex, psittacus, uxor,
 Si chartæ, si Dii fileant, arbusta sonabunt.

Lætâ licet nunquam penetravi limina regum
 260 Rusticus, ipse tamen potui cognoscere mores
 Rufini; atque mihi antè oculos adstat Mida, qualem
 * Cannarum lucus, qualem cecinere poetæ.

A. A. Rusticus es quamvis, nunc cùm sis notus in aulâ,
 Hei tibi quàm metuo! Metuo tutissima. Novi
 265 Quippe vir experiens, quàm multa pericula vates
 Circumstant miseros, injussâ, ingrata canentes.
 Et tibi quid prodest duros memorâsse Catones?
 Quid Libertatem pulchram bis terque sonando
 Hîc fecisse Deam? Quis adoret numen inane?
 270 Adspice, felici mutantur ut omnia seculo;
 Ore animoque uno firmentur ut omnia; ut ipsa
 Calliope prostet pretio, satiramque benè uncta
 Oderit agrestem. Et tu desine plura; meisque,
 Quæ veteri vetus, & fidus dat amicus amico,
 275 Utere consiliis. Ingentem suspice † MENAM;

* Cannarum lucus, *Lucus creber arundini-*
bus. Vide Fabulam Midæ apud Ovid. Met.
 Lib. II.

† MENAS libertus fuit Pompeii magni (at-
 que *Magni* nomen ex rebus actis & auctis ipse
 adeptus est) quo mortuo filii Sexti amplexus est
 partes. Datus a Sexto, eum prodit, & trans-
 fugit ad Augustum Cæsarem. Mox ad Sextum
 rediit prodito Augusto. Postea Sextum rursus

prodens, & ad Augustum reversus jus impetra-
 vit, ut anulum aureum (pretium sceleris) ge-
 staret. Et id speciale habuit; quippe legibus
 cautum erat, ut nemo anulum aureum gesta-
 ret præter Senatores & Equites. Tanto honore
 insignem, & grandis pecuniæ superbam car-
 mine proscindebat Horatius, etiam tunc cùm
 MENAS familiariter Cæsare urobat. Vid.
 Horat. Od. IV. l. Epod.

Aureo qui fultus folio Jovis. Illius esto.

Nam satis ipse diu custos es pauperis ædis.

Jamque optat sibi * THRAX vestrum conscribere nomen,

Atque augere suam Romano umbone phalangem.

280 Ille monet, quo jure Lares (tu discere monendus)

Aspernere pius tenues, & qui male sani

Fabricios simulant, obliviscare tuorum:

Quid sis, quo valeas pacto, accedasque beatis:

Quâ ratione queas firmus defendere MENAM;

285 Seu studia & mores domini laudare juberis,

Seu regi infensos impunè laceffere Brutos;

Seu nunc magna loqui; seu nunc quasi vera referre,

Quæcunque argutè fingas, scelerique dolisque

(Si scelus atque dolos mens incorrupta coacta est

290 Moliri, & patriæ causâ peccare tuendæ)

Aut nubem objicere, aut populi lenire dolorem.

At postquàm tibi fas magnis præludere rebus,

Gratiaque omnis inest sermonibus, & fatis ipsi

Te tibi consulere est æquum, monitoris egentem

295 Nullius; postquàm es certus cœniva, comesque

Auriferi MENÆ; quid non sperare licebit?

Divitiis auctus nummos in fœnore ponas:

Hortos, prædia emas: Etiam cœlestia tentes

Æmulus † AMBROSII, titulisque ornatus & ostro

300 Incedas, Divis vel par vel proximus ipsis.

Attonitus nec in hoc stupeas, dubitesve modestus,

Tale quòd oblatum fuerit tibi munus inepto.

* THRAX, sive TAX, sive PAX, MENÆ libertus ab antiquâ stirpe CAPRIORUM ortus, & CAPRIO MILTONIANO ita similis, ut nec lac lacti, nec aqua aquæ similior. Præest enim hic noster PAX diurnis, hebdomadalibus, & anniværsariis poetis, rhetoribus, oratoribus & sophistis, qui ad nutum & arbitrium MENÆ scribunt, perorant, versificant, hallucinantur, convitiantur, criminantur. Mirum, ni faci-

ant: in ejus enim manu est, ut edant, ut percant. Vid. Not. ad § 134. in *Epist. Milton.*

† Episcopus ****ensis, nomine (poetico scilicet) referens Mediolanensem illum Episcopum, qui floruit temporibus Theodosii, & Honorii, & unus fuit ex patribus Latinis Cardinalibus. Nihil verò tam dissimile, quàm AMBROSII noster ****ensis, & ille alter Mediolanensis Episcopus.

Quid mirum; si ultā cupiens fortuna jocari,
 Quo modō plebeio fasces, magnumque tribunal
 Infido scurra permisit iniqua regendum,
 Quæ fabro donavit opes & rhetoris artem,
 Pistori pallam, Cyclopi præmia scribæ,
 Et nemo laudis, tibi dicat, Episcopus esto?

Aut rursus episcopo, aut populi lætæ doctem.
 At postquam tibi hæc magna prædicare tepus,
 Gratias omnia tibi semper, & laus ipsi
 Te tibi consilium est æquum, monitoris egentem
 Nullius; postquam es certus conviva, comique
 Ausiliis meis; quid non sperare licebit?

Divine cunctis muneribus in ignore ponas;
 Horum prædixi cunctis; Ex his cunctis tentes
 Amentis & amentis, iniquis opibus & ois
 no taceas, tibi ipse ipse
 Affertur nec in hoc super, dicitur modus,
 Tale quod obtinui tibi minus inepto.

FINIS.